

Patrie dal Friûl

SFUEJ SETEMANAL INDIPENDENT

Direzion e Amin.: Udin: Contrade di Prampar 10 - Tel. 618
Gurizze: Vie Crispi, 2 - Tel. 187

Abonament: Par un an 700 fr.; par sis mès 350 fr.
For d'Italie il dopli.

M'Autonomie!

Udiso sintint une di gno-
ve? Noaltris 'o sin contraris
'es autonomiis regionâls in
Italie.

Che no stein a fâsi indenant
i ultraunitaris di duo' i colôrs
a dâns la man: no la strenzin
a dinissun. No sin contraris
parvie de Sacro Unitât: a l'uni-
tât taliane di uè no credin.
Cui ch'al è stât a fâ quacsi pàs
pal mont, cul cjàf sul cucl, al
sa che l'unitât nazional 'e je
un'altre cjose. No sin contraris
nancje parvie des riformis eco-
nomichis: 'o sin int positive,
noaltris; 'o sin furlans.

'O sin cuintri par altris re-
sons. Anzi par une reson sole:
pe' poeje stime ch'ò vin dai ta-
lians. Nol è di di ch'ò vebin
mancul stimo di ch'è che an i
monarchies, i unitaris, i comu-
niste, i qualunquiste e i tire-
pis di ogni colôr: ma di che-
ste poeje stime 'o tirin lis con-
sequenzis. Il popul talian, in
grande misure, nol à capît ce
robo che je l'autonomie: 'al
vès capît al varès obleât la cen-
trâl romane a smolâ i cordons
almancul chenti sù. E se nol
à capît, nol è al cās di doprâ
un ordenament libar, no la
merte. Ch'al spiati di madres-
si. Cui sa? Cul timp u cu la
pae...

I caporions dai partiz talians
- gjavant qualchidun - no uelin
savê di autonomiis che ur puar-
taressin vie lis jevis nazionâls
de lôr potenze. Se par cumbi-
nuzion l'Assemblee Constituent
'e vès di aprovâ un ordena-
ment autonomistic, i caporions
granc' e pizzui, a cost di man-
dâ a remengo la patrie, il pop-
ul, l'unitât, la democrazia...
cun dute l'animale lôr, si me-
teressin in leghe par boico-
tâlu, a infiltraressin tai orga-
nos regionaj par paralizâju, 'e
semenaressin la zizanie, il mal-
content, 'e manovraressin cu
lis criticchis, cu l'oposizion,
cun dutis lis dificultâz par fâ
lâ struçje ogni iniziative, par
meti il slaif a ogni ativitât, par
disfâ ogni risultât. E dopo
qualchi mès o qualchi an 'e
vignaressin fûr trionfalmen-
tri a di: — No us al vevin dit,
che lis autonomiis 'e son une
calamitât, un sassinament, un
teremot pa l'Italie? La veso
palpade cumò? — E cence
piardi timp 'e proponaressin
di tornâ a riformâ la constitu-
zion, strenzint il lâz piès di pri-
me.

Nu je autonomiis, duncje, pes
regjons talianis: al bastarâ un
freghehìn di decentrament...
Ma, miôr di dut nancje chel.
Si va tant ben cussì!

Paraltri cul Bas Tirôl, cu la
Valdoste — e 'o sperin ancje
cul Friûl — la mignestre no
je tant clare... Li al è l'imbroj

des minoranzis, il pericol che
metin la zate altris stâz.

Ma se la centrâl 'e rive ado-
re di tignî dâr e rifiudâ ogni
concession a dutis lis regions
di dentri, al è plui facil che si
adati e molâ la brene a chês-
dos o tre plui fûr di man: dut
no si pò tignî...

E cussì al podarès stâj che
la love palatine passude, nus
lassâs almancul alc di roseâ u
noaltris, int di cunfin.

Par chel 'o sin contraris 'es
autonomiis regionâls.

La farie dal distin

Cui ch'al comande in Italie

La composizion chimiche dal gu-
viâr talian 'e je une cjose cu-
riose. Prime tes solenissims che
metevin adun il test de cjarte co-
stituzionâl, e cumò la l'Assemblee
Constituent, l'apreazion di uno let-
— che zares di restâ in vigôr cui
pa elant timp a tunc — 'e dipent
tancj votis di une pure combina-
zion.

Lis grandis fuarçis pulitichis —
Socialcomuniste e democristianis
— son, pòc sù pòc jù, compa-
guis e si distrucen une cu l'altra.
Che un articul de costituzion al
pass o no, al dipent o dal rafre-
dôr di un pâr di deputât che no si
presintin, a volâ, o di qualchi
altri lôr afarut che jà ten lontans
di Montecitorio; o ancje dal capri-
z di chel tre-quatri deputât di un
dal tanc' partiduz che no rapresen-
tin altri che qualchi miôr di aderen-
za. Insumis chel che no rapresen-
tuje o quasi nuje 'e an il curtis pal
mani: la cjarte costituzionâl la fasin
lôr, bulans o sun tun o su l'altri
plat de balance, che di bessole no
va nè sù nè jù.

Cussì al pò stâj che regni dis-
cord: ancje la quistion fundamen-
tâl, la plui impuartante des refor-

Lis fotis dal gjeneral Zanùs

MOLÂ E MOLÂ

Sui «Messaggero Veneto» dal
25 di chest mès, il gjen. Za-
nùs al à tacât, — in tal prin di
une file di articul, — a ilustrâ i
meriz e lis peccis dal esercit talian
e a mostrâns che, des discussions
di Rome, si 'o' rigjavâ: 1) che
l'esercit talian al è stât sempre bon
di compuartâsi come cu 'a quan-
che al à vût bogus comandanz e
avonde mierz; 2) che tanc' di lôr
'e son persuadûz che uè al esercit
j mancin i bogus comandanz e i
mierz necessaris.

Chesti doi pontz nus interessin
pocît. Chel che nus interesse —
parcè che nus divertis e, insieme,
al constituis une reson di compo-

timent e di preocupazion — 'e je
la conclusion ch'al tire il gjeneral:
lui al dis che, in rapuart ai mierz
che si an, si trate di viodi quant
e cumât che si mole, parcè che nol
è tant il fat di colâ ch'al conte,
ma chel di colâ cun onôr. Sicchè
— al dis il gjeneral — dut al di-
pent dal vè comandanz che valin
o comandanz bogus di nuje: co-
mandâz ben 'o collu ben e coman-
dâz mal 'o collu mal.

Cussì ai nestris soldâz no ur re-
ste che di sicli se an di colâ ben
o colâ mal, parcè che il gjeneral
nol à nancje pensât al cās di une
victorie (e nol è in moment par
pensâ). Tant, par fûi a nol è il
colâ in sè e par sè ch'al pese, ma
il colâ cun plui o mancul onôr.
Cussì al resone un gjeneral e
cheste 'e je la mentalitât che par
nestre disgrazie, 'e an ancjemò
tanc' di lôr. E se, invece, si pen-
sâ che la robe plui impuartante
'e je ch'è di no crepâ in uere nè
cence onôr nè cun tun gram? A
remengo lis fotis de retoriche erui-
che.

I. C.

Il tiar articul de Costituzione

Esercit sì, uere no!

Ch'è di Montecitorio 'o an apro-
vât un articul dalâ che si dis
che l'Italie no à nassu passion di
fâ uere; un articul che, al moment
just, al pò jessi marcorvât in nul
manten e che, in pratice, nol
nus fassarâ durmî sigûrs te garan-
cie costituzionâl, quan che in chest
mont lis aglis 'e scomenzaran a
deventâ un'altre volte turbidis. A
nissun no j ven nancje tal cjàf di
di, in te cjarte costituzionâl, che
te Republiche no al fâ uere in nis-
sun cās e che, par cheste reson,
no mantignarâ un esercit: che re-
ste cence difese e che, par chest,
cui che la toje al mostrâr di jessi
un barbar cence civiltât. Ingenui-
tât!...

No, sîors! 'O savin che ch'è al-
tris 'e an armâz e si arma an-
cjemò: ma 'o savin ancje che uè
a mori dutis lis bocis dal mont
'e son nome in doi, e che, alore,
a l'esercit talian no j restarâ, in
cās di uere, che di sicli s'al à
di lâ a bati par un o par chel altri,
cence pussibilitât di impedî un
invasion dal teritori, ma, forsît, no-
me di rilardâle par un pòc di timp,
cun tun inutil spandiment di sanc.
L'esercit talian doman nol savès
altri che une «unitât» des fuar-
cis da l'occident o da l'orient.

Restâ cence esercit a cence ar-
mis al orès di invezit fâ i furbo-
s: no savin nissun paron. In plui
si podarès stamburâ fuar e par dut
che l'Italie 'e je la prime nazion
che, su lis pestis des gloriôs tra-
dizions romane e cristianis, cun
tunc grande decision, 'e mostre al
mont la strade de civiltât.

Al podarès jessi che vignissin
ch'è altris dopo a cjapâns e man-
dâns a bati cuintri de barbarie da
l'orient o dal capitalism da l'occi-
dent, pe civiltât o pe justizie o pe
libertât; ma intant no spindarissin
i miliarz par tignî sù il Ministeri
de Uere e, cun ch'è, si podarissin

Letaris vivis e letariz miaz

CUI ESAL PLUI SVELT?

Chel malaranz di «Patrie dal
Friûl» no scrive per massariuts:
il lôr furlanât ordenari, plen di
particjoss e di olacjoss nol pò jes-
si capît des massariuts che furlan
un talian sguist... Come il
guâf corsivist dal sfuej socialist
ortodos. (E pò noaltris, se nus
sejampe di furlâ par talian, 'o di-
sin «ippocastano» e il corsivist
invezit al dis «ippocastano»!) (E
li massariuts 'e disin a casta-
gnajo salvaggia).

Juste par chel nus jere vignût
fûr il nûm di qualche «giotologo»
come G. I. Ascoli, che nissun
massariute lu cognôs: lôr 'e co-
gnôsissin invece il Bôb Tailor e la
Im scema Dillan. Ma no savin
che nissun socialist ortodos furlan
nol vès mai sintît a nomêr As-
coli o Berioni. O che il corsivist
al fâs come Uliat, che — quan-
che j lave ben — al disere di vè
nûm «Nissun» (Ch'al scuti s'ò
sin tant inscuclâ di savê ancje
cheste: la vin imparade in prime
letine).

Paraltri, cumât fascist alore il
corsivist a contind che il furlan al
è un dialet e no une lenghe so nol
à mai disbarât i oclis sun tun il
bri di giotologie o 'al à dade im-
puartance nome es letaris des
massariuts? Che son vivis, podûl che
Carli Battisti, Tagliarini, Gamill-
scheg 'e son defonz e li polâr al
tapoue lis lôr cjartis!!! Di per-
don!

E se dutis lis sentenzis dal cor-
sivist 'e an un fondament culturâl
di cheste fate, ce podin fâ par po-
râsi noaltris, bids erudits, ch'ò vîn
studiade la storie e la geografie su
fai libri; e no tes letaris des
massariuts, e ch'ò doprin un fur-
lan che nissun (chel nissun ch'ò
vin dit chi parore) nol à mai fe-
rolât? Podino rispindi che i ma-
lans dal Belgio e la furlane de
Svizzera: 'e dipendin dal moment
pulitic simpri variabil, plui che de
posizion geografiche simpri com-
pagnê. O che l'Italie interie no à
salvât Triest plui di chel che lu
à podât salvâ il Friûl di bessol?
Nuje, nuje! Favelin di Oskar Ko-
noschka, di Pablo Picasso, di Kan-
dinskî, de Blauc Reiter, di Archi-
pentko, che son robis impuartantis
pe soluzion de quistion zoniâl, dai
berdejs pulitichis, e de triene sala-
riâl... Si sa che il numar dai fur-
lans che cognossin ch'è sîors al
è plui grant che no il numar di
ch'è che cognossin Ascoli o Ber-
toni!

E dopo 'o larin a fâsi fridi, las-
sant il segnâl viart al progres di
civiltât ch'al ven indenant guidât
des massariuts che scrivin a docu-
ment zia, a dai corsiviste che rî-
tegnin inutile la culture che ur
manje.

— Cjariesatis ch'è lassâ! — 'o
disere la bolp.

fâ tantis di ch'è robis che covên-
tin.

Ma ch'è 'e son resonamenz
ch'ò podin fâ nome nò puars ga-
lanzumings e che no regnin tes
côis — speladis o no — dai ro-
piontans dal popul. Ma nò... no
sino popul?

BOT

Nazionalisim malatie di Stat

Par podê curâ une malatie, bi-
sugue capi ben par ce cause
che 'e jè vignude e par ce che si
manten.

A un puarin, sfinit di fax e di
strapaz, al à dibant dai pirulis e
agarolis; i covente dome plui pan
e mancul strussie. Chel altri che al
ten dur a fâ il «fakiro» cul mal
di dinc, nol zove ch'al pari jû
aspirinis e calmans par indormidî
il dolor, o ch'al si rinfrescj par
vie dal... calor: il dinc carolât lu
met a puest dome cu lis tanjais u
cul trâpin.

Cussì mi ven di lèj sui sfuejs,
pui seneôs di pàs sigurade a dute
l'umanitât, lemeiz e ciuladis sul
durâ ustinât dai viej nazionalisims,

e sui scjaldâs di chel guis.

Come sedatîf di ch'è vunte fîe-
rate, 'o uel volâ qualchi perantute
di chel biel tipo di Schopenhauer:
«... La vanitât a plui bon marcjât
'e jè la vanitât nazional. Ma 'e
fâs capi, in cui che le à, la man-
cjanze di ogni qualitat personal,
che pucdi fâlu tignî in bon,
parcè che, se no vès di jessi cussì,
chel tât nol si varès tacât intôr
di une qualitat ch'al scugne spartî
cun millions di altris. Ognidun, in-
vezit, ch'al vebi dai vèrs valôrs
personaj, al sarâ juste par chel in
grât di cognossi i difiez de sô na-
(E ur indevât in 2. pag.)

DOPO VIGNESIE "salvâ, anche Gurizze (E nò, cui nus save dai salvadors?)

I fassisc, si sai, 'e an salvade l'Italie. Hitler al à salvade la Germania prime di dut e, dopo, Danziche, la Cecoslovachie, la Polonia, la Jugoslavia ecc. ecc.; la Russia, anche je, 'e à salvade la sò part di mont. Nol restave altri, almanco si crodeva, che di salvâ Vignésie, dal Friul totalitari e agressif, ch'è si sà!

Si crodeva... E invezzi? Veso let il «Giornale di Trieste» di domene? Gurizze 'e je in pericul! Passade la buresce dai quatri «granc», altris calamitât i stan persore di ogni bande, ma specialmentri ch'è di colà sot la tiranie di Udin, ch'al ven a jessi, tal «lebensraum» da Furlanie occidentale... Si fevele fustremai di abolì la province di Gurizze, di trasferì il capoluò a Monfalcone...

No la verisio mai sintude? Ma leiz mai vualtris! Colajo jù dal mont de lune?

Duncje, cjalaz mo': la scuvarte l'an fate doi gurizians de... Pughie, o di lenci jù, che, paroltri, in fat di fantasie o batin dut il mont. Nol coventè discori che «chilli» 'e an cjalut subit il rimedi specific e naturalmentri disinteressat. E cusì, armaz di zis e di vergons pai domie e di un bon spavent pai neei più stupis, ti an rumide la solite assemblee dai quatri giuz e, dal dit al fat, ti an costituide in Gurizze la lór brave «Unione per la difesa degli interessi del goriziano».

Il President Depiccolzane (Donato) e il dottor Laganella (relator) 'e son pioriz a Gurizze sepi Diu cemat, e son restaz taciz a chesle lór guove «Americhe», ch'al è il Friul, come la grame. Se si contentassin di roccia la lidris de buine tarbe furlane e di test, pazienze. Sior no! Si crodin mandaz casu dal Aitesim par «miracol mostrare».

Nissun furlan o piemontês o lombart, che si cjatâ a vivi a Bari o a Napoli o a Canicattì, si percherâ di intrighi tai affars di chei pils e tant manco, di fâsi capopopol. Cusì 'e domande la buine creanze e il dovè ch'al à un deit in cjase d'altri. Ma «chilli»... Eoo ca, il Sior Laganella («Messaggero Veneto» 23 marz 1947, edizion di Gurizze), chesle volte in viste gnove, risint, di socelât saragatian, a montâ in scagn e Lustrâ ai sei gûts coreligionaris «l'opportunità che Gurizze — in cû che veguin costituide lis regions — 'e vadi a fâ part de grande region venete». E, cusì, con cut l'o.d.g. votât da une sezion di partit plui o manco numerose, i «furlanautonoms» («proveniz») 'e son doe, o quasi doe, furlans... di Fragne!

Un emendamento... pericolôs

I COMERZIALISCI E L'AUTONOMIE

Duc' i nestris sfucs, la setemane passade 'e an ripuartât il vôt dai «comercialis» furlans a favôr de l'autonomie. Ma no an publicât l'emendamento che il res. Etefredo Pascolo al veve proponût e ch'al jere stât aprovat di maggioranza. Al è un emendamento pericolôs, une cjose — si fâs par di — pbe nazionalistiche tal moment di cunfion... une mine esplosive, une cjarie di dinamit!!! Di nus uardi di mâl!

Tiriss de bande un moment, che noaltris 'o vin câr di publicâ dal infir.

Il res. Pascolo, in chel mentri ch'al declare di aprovar, in lûie di massime, la relazion dal dot. Barbine, al propon une corezion al o.

Ma folechess-trai... di bevi, Furlans! no saressie ore une buine volte che noaltris, di ch'è di là dal Usinz 'o viarassim i vôi, e la finissin di fâsi menâ pal boro da certe int? No si ricuardaiso plui dal proclame (apocrif, ma tant ver) dal famos Empedocle Lauricella, «nuovo podestà di Udine» quant ch'al stave par cjapâ «possedimende» da la «colonie Friulense». A teart o a reson i stors Depiccolzane, Laganella e... Lauricella, ta l'autonomie furlane 'e viodin il spetro di une solenissime pidade tal cûl.

Furlan Spacât

Radio Udin

Un comitat provisorio par caparâ la radiostazion British Forces Network

O vîa za publicade la letare di un nestri am, indula che si reclama l'opportunità di conservâ te nestre zità la stazion Radiofoniche implantade par cont des fuarzas anglo-americane.

Cheste opportunità si presente simpr plui fuorte se si pense che il Friul — massime s'al podarà vè un ordinament autonomistic — al

Nazionalisim malatie di Stât

(Continuazion de 1. pag.)

zion, che ju a simpr denant dai vôi. Ma ogni pur cordel, che no'l vebi dal so nûje di bon di mostrâ, si bûte su di chesle ultime risorse: di fâsi bulo de razione, lè che par ch'al è vignût a cjatâsi. Cum chesle «intim di riflissi», e in chesle sô biade ricognossint, al è pront a cefindî a pugna e pidade due: i «fâsi» e dutis lis monadîs che 'e son dai sei conazionaj... v.

L'amp di spirt libar e superior al sà invetir che no'l po' fâsi biel altri, che di ce che al à lui di bon, e ch'al sa fâ di bon; e no'l intint par nûje di jessi tignût responsabil des monadîs di chei altris. Ognidun, ch'al cjacari par sè, e ch'al rispindi di sè.

Par un galantom, ogn' altri galantom ch'al sta al so puest, al è un compatriot: ma se j' cjazzin tes cuestas in lavatîf, un comandin,

à dirit e d'insigne di un miez di diffusion de vôs, che puredi rivâ a confurtâ anche la lór marilenghe i tençiaris di mîra di furlans spazzazzas par dut il mont.

Par tratâ cui Aleis di chesle cession, al sarei plui indicât di dut il Moviment Popolâr Furlan; e s'è vès di là drete si podares formâ un «Ente» par ricuej il capitâl

Discorin tra di nô

AS DI COPE - TARCINT.

Juste cusì, ch'al viodi! Rome no po' fa nûje parçè che je masse lontan e indafarade e cercenade di sanguetis che sâpin ognidune par so cont: e la Furlanie di besôle 'e podares forsi fâ une vore di miez parçè che je pizzule, no'ndi tantis pal cjàf, 'e sint ce che j' coventè di par di, 'e cognos in sò int 'e po' parâsi di ches quatri sanguetis che çharan di vignj intôr, frapantis sot di une dalmine. Un negoziant in pizzul al sta di bessol al banc, al ten di bessol i registros, al dispo di bessol acquise e venditis, al ten cont dai aventôrs, al trate, al proviot, al misure lis sôs pussibilitât e ogni fregul di capadozie ch'al vebi, la sô barache la mande indenant pulidin. Ma s'al si slargie masse, s'al si bûte in masse affars, s'al met sù filadîs e rappresentanzis, j' toje di cjatâ agenzis, contabîs, sovins di beteghe, viazzadîs, magazins, di metisi tes lór mans, di infidâsi di

ch'al coventè par rilevâ l'implant e dopo pe gjezion dal esercizi in avanti.

Par intant, in merit di chesle iniziative, al è stât costituit un Comitât Provisorio sot la presidenze dal res. Etefredo Pascoli, in Contrade Pauli Sarpi al n. 23, indula che si po' rivolgersi per spiegazions, propuestis e adesions.

Z. D. F. - SAN ZORZ.

Un fiamat al sarà lui, dafur di ce ch'al scrîf. «Patrie dal Friul» 'e à stampadis des insolenzis nome in rispueste a altris insolenzis e simpr tignins pîstot di ca che no di là. Paroltri Lui al à reson di di ch'al è «dibant invelegnâsi e quistionâ cun chei che polemizân cuintri di nô». Al è dibant, parçè che no son «no puedin jessi sanzîs e in buine fede; o — se son in buine fede — 'e an di jessi avonde cjastrons. In duc' i doi câs 'e son impermeabîl a qualunque resonament. Ma tantis voltis al conven cjapâ il cjavez che nus presentin, parvie dai letôrs, che se no 'e podaresin crodi, vadi, che se si puedi rispindi es objezions che nus fâsin. Anzit, par chesle reson lis polemichis qualchi volte nus slarvin di lesce e nus vadin di gale.

TESTEDURE TUMIZ.

Noaltris, inverzi, 'o sin sigurs che si podares il decordo sul cont de Furlanie, anche se in dutis ches altris cjôsis si pense different. Ch'al cjaai mo': fra chei dîs e dodis che firmin o che no firmin su par ches sfuej, 'e son representadis dutis lis tendenzis pulitichis, dutis lis cunvinzioms religiosis e dutis lis ideologis sociâls des plui zampis 'e plui djestris; dutis lis cundizioms e professions dal avocat, al miedi, al professor, al impiegât, al artist, al predi, al mecanic, al çontadî; dutis la etâ da ch'è dal fantazzut o de studentesse universitarie a ch'è dal vecjo pensionât o de brave nouite. 'O sin personis che no cjataressin, salacor, nissun altri teren d'intrese, nissun altri pont di convergenze; personis, che magari, 'o vin il nestri caratarut avonde personalistic, raspi e difizil e che no rinein lis nestris cunvinzioms nancje se nus metin une cuarde intôr dal cûc: ma tratansi de nestre tiare, de nestre int, de nestre lenghe e dal nestri doman, si dîn la mare e 'o cjemîn a pâr. No si dîs che qualchi volte nol capidi anche di urtâsi un fregul o di gloti qualchi mocul, ma pensant al interes de Furlanie 'o rivin adore di passâ persore, e 'o crodin che anche cheslis diferenzis 'e slarvin a creâ vitalitât e equilibri, e a tignî lontân il pericul dal fanatissim e de unilateralitât... Uelal savè parçè ch'o podar intindisi? Parçè che nissun di noaltris nol vîf di pulitiche, nissun nol à in viste nè cindregheis nè carieris, e 'o sin duc' nimis de retoriche e de mistiche faziose.

Furlans!

BIRE MORET

E' je rivade la viarte

cu lis ultimis nuvitâz di piezzamente al

Gnûf Magazin Popolâr Udin - Za Plazze S. Jacum 15 b - Udin

che, a presis di raritât, us presente un grant assortiment di soprabiz e lanariis par om e par femine cui plui tiej disens e tes tintis di mode, e di robe di sede cum eleganze e nuvitât di disens.

PES NUZZIS telis di ogni fate in dutis lis altezzis, di qualitât superior. Cuvartis di lane, cuviartôrs, coltris, sujemaus, tauajs e cet. a pre-is speziuj di favôr.

STAIT ATENZ!!! Prime di fâ compris visitâmus, cjalat i nestris tipos, la qualitât, i presis.

'O VENDARIN ai presis plui bäs di dute la zitàt.

No stait a confondi!!!

Gnûf Magazin Popolâr

Udin - Za Plazze S. Jacum 15 b - Udin

ISEF

Isef: une seje dal zoc furlan, che quan'che lu viodes — sedi anche in plaze grande — us fâs scjampâ il pînsir a un scrodeât bore di mont, a una cusite basse e infrosegnade, a una cjaste-nâr dâr, stuart, plantât a mieze cuestas.

Isef al à un vistit color café, di velût flap, dut imblecât, un cjapelat cence stampe e, se nol è propri frêt, la giachete la ten picjade su pe spale. E sot il cjapiel un music plantât da sterps di barbe e di moschetis e doi vôi che, se i domandâs alc, us rispundên un tun fâ di canajôt.

Isef al mi someave un mago, une volte, parò ch'al veve l'armoniche e, co' al sumave, un vig. ve vœ di balâ anche es vielis sentadîs, la sere d'istât, a ciapâ il fres sul scjallin des puartis. La zovenitât, dâur di ch'armoniche indafurade a sunâ lis voghis sveltis, 'e cumbinave i pîs, e imparave lis cjanis.

In ch'volte lis feminis si fassavin il cîf di ch' strezzis e, se un fantat lis cjâlave tai vôi 'e deven-tavin rossis come boris di fûc. Isef se bielis che jerin! Vò s'es impensats dutis chês de vile, che cumò 'e an la muse rusine, ingrispade e i cjavej color de cinise!

— Regjnis 'e parevin! — Sì, jo us al crôt Isef — e co' 'e balavin 'e jerin lizeris tan'che piumis... e no come chês di cumò!

No stêt a bruntulâ, Isef, no stêt a mastijâ chel blât pœ di toscân ch'al aj distude. 'O sai ch'a'n'di veis un brât cun cheste zovenitât di uê: 'e son diventât grandons lôr, 'e clamin te sale i suradôrs di furvie e li ti bân cun chel « gjas » indemoniât, che si dirès che vebin il sanglor. La uestra armoniche 'e je passade di mode; e tu si pueâl fâ? Anche lis strezzis 'e son passadis di mode, e la grazie e ale altri di plui impurtant.

Vò 'o viveis in tun bore di mont e 'o piardeis lis oris a sunâ voghis vieris sun tune vecje armoniche... 'O veis una cjavre, doi strics di prât, une plantute di viz e na miluzâr dal paradîs; il falcêr, il riscjel e un còs plui grant di chel des feminis, parò ch'o veis buinis spalis. Come za corant'agn!

Lu sai ch'al sarès gust a fermâ

la vite quan'che còr vie cuje, quan'che pâr bie. Ma, Isef, ju fermaiso vò i uestris milûz co' 'e còlin dal len e us sbressin jù pe palade? 'E an di là a macolâsi ta' chas dapit il mûr di Ruciz, nol zove ruje!

Il mont in corant'agn a'n'da fate strade! E po' no lu sava che cumò si vîf in furie, che duc 'e son iscuclaz e sapienz e il mont ti la fasin lâ indenand di viole?

E lis feminis no son di mancui dai umin: 'e an imparât ce che je la Pulitiche — no ch' di plase, che je nassude prime di lôr, ma la Pulitiche cul P alt — e se li sintis a discori di « problemj sociali » cui si salve?

Ce che son i « problemj sociali », Isef? Par vò e par me 'e son chel di za corant'agn e di simpr: vivi drez e metisi ben tal cîf che Diu la farine te panarie no nus 'e dà par ch'o sglonfin nome il nestri bultric...

Ma no la faiso une sumade usgnot? Sù, sù, no stêt a jessi cusl immuscât: jò us scolti, anche se a l'armoniche j maneje qualchi lenghete, anche se ogni tant la memorie si distude...

'E je vere: no aj cun cui balâ cheste stajare!...

Siarât i vôi. Isef: lis viodis lis feminis di une volte? Regjnis 'e semên e 'e balin lizeris tan'che piumis!

NOVELE

LENART BUFALIN

marangon a Udin e architè a Rome (Sec. XVI)

Il famôs gardenâl Ehrle, quar ch'al jere prefet de Biblioteche Vaticane, al publicâ une serie di monografis su lis plui grandis plantis de zità di Rome dai secui XVI e XVII. E al scomenzâ cu la plante disegnade e intajade da Lenart Bufalin di Udin — prime in ordin di timp — che jere stade stampade dal 1551.

Il studî dal Ehrle, diligjent e profont, saltât fûr dal 1911, al consist di un grant fascicul di 63 paginis e di une cartele, ancjemò plui grande, indolâ che son conservât i sfueis cu la riproduzion fotipiche de plante.

Cheste opare, che tal originâl dal 1511 no si cjate plui 'e che rarissime pûr 'e je te tiradure fate intôr dal 1560, 'e jere za stade riprocote, une prime volte, a cure dal

Colone filologiche

Grammatiche minude

Cjase - Cjasa - Cjase

Lis tre formis 'e presentin tre momenz dal svilup fonetic furlan. 'O crôt che l'ô final tai dôns feminis de prime declinazion latine (lat. -a) al sedi la forme plui antighe e forsî gjenerâl par dute la Furlanie fintremai viers il Tre-sint: come che jere e che je restade tal provençal. Vie pal sec. XIV, vadî par influenze dal venetian, ch'al lave za distacansi e bastardansi cul talian, tai pâl plui grees si scomenzâ a pronunziâ, o almanco a scrivi -a. In chel secul dopo, ch'al ven a jessi tal Quatricent, si tache a cjatâ, tes cjartis udinesis, l'-e, parâltri no simpr. La final -o 'e tignl dôr plui di dut a Cividât, seben che in qualchi document si cjate anche -a, o chel e chel. Lis cjartis glemonesis dal

Nuje - Nue - Nie

Ancje cheste peraula 'e je doprade, uê, in dutis tre lis formis. La pui usâl 'e je a prime (nuje o nuja); la seconde, cu la cjadude de semivocal, (no je une regule costant) 'e je normal in dut il Cjanâl dal Friûl e in putros siz de Cjargne — a Tumez, par esempi. — Il nie no mi par ch'al vebi une grande estensio: al cjape une fass, te Alte, fra Tarzint e Buje e no sai di precis se la disîn anche in altris siz. Al podarès vigl di un'altra lîdri, ma tes cjartis

Tresinte 'e mostrin plui dispes l'-a che no l'-o. In chês di Udin la forme in -a 'e je l'uniche tal Tre-sint, e cusl in chês di Triest. Tel Quatricent la final in -e 'e compars, come regule a Udin, e pœ o trop a Tresean, a Dalm, a Glemon; Cividât, Monfiers, Valveson 'e tegnin dôr cu l'-a. In di di uê l'-o final al risist nome tal alt cjanâl di Guart, disore Comelians; l'-a al cjape dute la diestre dal Tajament, il Gurizan des monz al mâr, il Cividâls fintremai dongje Buri, e une vore di raisiz de Cjargne. In qualchi sit — massime de Cjargne e dai Asins — scomenze a sinti qualchi -e dongje dai -a: segno che l'-a al mole un pœ a la volte. A Bualt e in qualchi altri lûc des monz si sint une cjose di miez fra -a e -e; un -a turbât, al vegnares a jessi.

antighis no mi pâr di vèlu mai viodât. Al po' ben jessi che si trati di une variazion fresche, vignude dentri midiant l'emigrazion par influenze di formis todeschis (nie, niemals = mai, niemand = nis-sun). Tanç di lôr 'e disîn nie anche a Udin: ma cul 'e vegnin a messedâsi formis e peraulis di dute la Furlanie e cui fevele cusl, cui culâ: tantis voltis nol è pussibîl precisâ quale che je propri la peraula o la forme udinese.

Sei - Sedi - Sewi Vei - Vedi - Vebi

A Udin e dufintôr si dis sedi tant pal infint jessi, come pal con-zontif sei. Tal alt Friûl si sint a di sei anche par jessi, o sewi inverzi di sei pal conzontif. Cussî al latin habeat al rispunt ch'al vbi, ch'al vebi, ch'al vadi, secont i lûcs. E qualchi volte anche stedi par stedi, dadi o devi par dei. E son varianz che an dut il savôr di alterazions dialettis. Volint stedi lis formis plui resonadis par doprâlis in tun furlan literari, mi pararès miôr di dut tignî a sei o sedi (sât o 'sât) e jessi (esse), vebi (habere), stedi (stet), dai (det).

A riscoss - di razbouf

Mi vegnin segnaladis chestas côs peraulis come speciâls dai pais de diestra dal Tajament, di Zopule in sù. In realtât la prime a riscoss o di riscoss (= di scuin-don) 'e je doprade avonde a larc, anche se no trop dispes. Invezzi chel razbouf o razboru (bevi di razbouf = bevi in presse, scollâ) lu sint pe prime vore. Mi sa di todesc, cun chel raz o raz: rasch = svelit, râpit; ma no podarès pal moment proponi une etimologie sigure (raschbaun al poderès oî di: lavora in premure). Al po' jessi che sedi anche cheste une peraula vignude dentri cui emigranz, e no mi parerès che mereti la citadinanze furlane: no je biel, no je necessarie, 'e a un savôr masse forest e chei che la capissin 'e son masse in pœ.

p. B. M.

Il tej di Murûz

Squasi in dutis tis vilis di campagne e lis « pontis di zità » nasudis vie pal secul XIII, sul sfiori des plêfs e sul dismoversi de int — come ch'al scrîf Mons. P. Paschin te sô Storie dal Friûl — al jere un tej plantât tal miez de plaze o tal Bearz o tal Pascut, indolâ che, une volte ogni tant, si tirave dongje la « vicinie » a resonâ ta l'ombrene dai afârs de comunitât; e qualchi volte anche dut il popul, come che si rigjave da une note dal Cjamerâr di Glemon, che tes Rogazions dal 1435 al pajâ 12 solz a al leter chi predicjâ sot lu telg... n.

L'usanze di plantâ, a di chei timp, un tej su la plaze, 'e a di se' vignude des Gjarmanis, dalâ che ancjemò in di di uê il tej al è une vore usâl su lis plazzis o adilunc dai stradons; o salacôr de Slavanie — oh nimis chês gle-sentis tal miez dai tejs, tal cjanâl dal Nadison, che j plasavin tant a « par Gabriel di Sante Marie la Lungje » —; ma al podarès anche stâj che vegnin di plui in là, propri de Crauzie...

E za i prins documenz furlans che fevelin dai Cumons 'e an indiment anche i tejs su la plaze. Cussî a Murûz...

Murûz al ven fûr tes cjartis de seconde mitât dal secul XII, cul non di un tâl Wraslaw de Murûz; e po' parvie di imvestiduris patriarcalis 'e vegnin i vecjos Murûz e i Darcjans e altris, jù pai secui... Il prin document ch'al inomele il tej di Murûz, al fevele di une adunanze fate « sub tileo » ancjemò dal 1301.

Sis-cent agn, passe! E intant 'e se nassude la fiende, parò che la int 'e sa simprî dut, pont par pont; e se no sa, 'e inverte, cence in-cunzisi che, qualch' volte, ce che conte nol pœ sei vèr.

Jacur Ros di Mazanins mi à vût

Une conte pai plui pizzui

Ma come in chel an zenâr noi jere stât dolz e cujet: nuje zilugne, nuje nêf. In cil un saren ch'al in-cjantave. Pe tavie, tal omît, lis campaneli, 'e tiravin fûr il lôr cjavut bianc; tai fossaj, in miez dal museli, i cisignocs si alzavin come cjandelutis blancis; e in qualchi ricc di soreli anche la violute 'e vignive fûr a cucâ se jere za rivade la viarie.

Una cubie di mialis — in che volte mo' i mialis 'e jerin blancis di plume — che s'e passavin benon sun tun biel len, 'e pensarin di scomenzâ a fâ il lôr nît. 'E puartarin dongje lidrisutis, stecuz e pantan e in pœ timp il nît al fo pront.

Al jere il 29 di zenâr.

Ma eco ch'al capite a passâ il dongje un vieli lunc e sec, invuluzzat in tune sfilzade di lane e

I tre dîs de mialre

cu la barbe biancje come la nêf. Al dà une ualzuade ai ucej e al lôr nît e al dîs:

— Masse adore lu veis fat! Se fintremai cumò o' soi stât bon e 'o ai tignût indaûr glazze e burascjadis 'u soi simprî in timp par parâ fûr lis mës risiarvis.

La mascje dal mialr 'e saltâ sù, alore, cun pocje bieie grazie:

— Ah, par vicij, — disse — no tu mi fâs plui pore. Fevrâr al è ca, e tu, landât Idju, tu av finît di comandâ!

— Zito, lengate! 'O aj di fâti pinti des tôs peraulis! Doi dîs mi restin ancjemò par gnò cont e un lu domandarai ad imprest a fevrâr... E tu viodarès ce che ti lotjarâ!

In chel moment al saltâ fûr un ajarat di tramontane e al puartâ jù nêf e nêf. E buere e nêf 'e jem-plâr in il pais all dongje e anche plui

in là; tant che il plui vieli dal bore nol si visave di vè mai provade une crunc compagne.

Cenût salvât de rabie di Zenâr?

I doi pears ucejâs si tirâr dongje di une nape, che fumave par-sore di une cjoste; e di gnò, an'anche il fogolâr, lajù, al jere disindât, si platâr dentri dal cjanûl par poisâ.

Ma tal indoman di binoire, apert sakâz fûr sui còps, no si cogrosvin plui! Neris 'e jere diventât: tan'che corvâz!

Il cjalim de nape al veve inten-zadis lis lôr bielis plumis blan-cis; e neris 'e restâr in simprî; e neris, d'in ch'volte in ca, 'e missin duc i mialr.

I doi ultims dîs vîs di zenâr e i prin di fevrâr 'e an cjapât par chest il non di zornadis di mialre. LIE N.

contât, une volte, che no sai se cjeseljan di Murûz al veve stât a bati in Tiare Sante cun tune Crosade, insieme cun chei di Gruagnis; e tai tornâ indaûr lôr doi 'e vevin puartât di Antiochie une reliquie par omp di Sante Margarine: cun di plui chel di Murûz, in segno di vittoria, al plantâ su la piazze, jenfri de glesie e dal cjesel, doi tejs.

Jo no sai se je vere che un cjeseljan di Murûz al vedi stât in Tiare Sante; parâlti une reliquie de Martare di Antiochie 'e je a Murûz e une a Sante Margarine - seben che o Gruagnis, in ché volte des Crosadis, no jerin plui nê cjeseljan nê cjeseljan - e su la piazze di Murûz al â di sei stât plui di un tei, parec' che anche un document rigjavat dal dot. Jop da Udin, ch'al â scrite la storie dal cjesel, si dis che une adunanze, te prime mitât dal Tresinte, 'e fo tignude « *prope tilios* » (dangie dai tejs).

Il vecjo tei al â ancjemò a cjavâl de piazze a curumbule; e di une bande al ciale lis palûz e i cuei e lis monz, e par di sot la planure dal Friûl, che si piart lajû, in tune strassule turchine quasi par ajar tra cîl e tiare: il mâr.

Ancjemò il su la piazze 'e ven ca a cucâ une ale dal cjesel e rudinaz di mûrs e la tôr dal puarti cui cipres adilunc sul denant e i lens su la piazze e jû pe strade fin-

"Patrie dal Friûl,"

'e scombat, 'e strussie, 'e spiege, 'e conte, 'e cjante, 'e acual, 'e beche, 'e sponz, 'e poche, 'e muart par amor da Furlan! LEJELE!

trenai là de glesie. Anzî la cortine di Murûz 'e cjavave dentri la piazze, la glesie di San Tomâs e lis porcie cjantis dai servidors di masade. (Qualchi volte si fevela di une cortine di San Tomâs, ma 'e devi sei chê, parçè che tes cjantis di chês adunanzis al â nomenât anche il « puart dal bôr », ch'al jere juste denant dal puart dal cjesel).

Pêc lontane 'e veve di sei la cjesie dal Cumon, ricuardade ancjemò dal 1337, tun document publicât simpri dal dot. Jop, indalâ che si dis che in chel an Fulchir d'Arcjan al cumbinâ un afâr cui fradis Murûz propri « sot de cjesie dal Cumon ».

Atôr dal tei al pâr ancjemò di sùnt un agrisul di vite antiche, se la cjampane di San Tomâs, di sore, 'e mande un glon: al pâr di viodi tun moment i « vicins » a vîgnê an, lizers tan' che ombria, da fû dal deon fin sot il tei - i verbat in ché volte 'e disia « sub tilio » o pâr « sub frasca ». E il, in Nôn dal Pari, dal Fl e dal Spiritusant, a scomenze il Consej... E vecjo nodâr al ten la bergamine sui zenoi e tirant i voj al scrif ben plane. Dopo, i vicins 'e firmaran cu la crôs: il nûn de int a la buine, come la crôs ruzine o fraide che reste in plus tun simitierut di pals... bessole, dismenteade.

Il tei di Murûz, un dai plui viei e granc' d'Italie, che amît al â s'ât anche su la « Domenica » di za timp, a un metro di altezze al â grûes quasi sis metros, e al â il, yif e mûr, su la piazze; e la filiade che in ten sjarât despît, mî semêe il « spassigjo » di un frutin. Za, viei e fruz, po'...

Ma al â une reliquie, al â il simbul dai libars Cumons de Furlanie e d'Italie che, ta l'Etât di Mîez, la remanità e il Cristianesim 'e an letâz fûr come flôrs di sjarade, de lâr zocje viere ma simpri vivarose. Fropit come il tei!

Di viarte, quan'che i cuei e i c'amps 'e scomenzin a sverdeâ, al bute fûr anche il tei, come par meracul. E al pâr che i secui no j' pe sin, almencl par in chêt di.

DINO DAI BAS

Notis sportivis

Batûz ma no vinzûz uê "Reggio", a Udin

Domenie di sere l'ambient sportif local, lusingâr dal net quatri a zero di Gurizze, noj oleva crudi par nujo al zero-un di Cesene.

Ma al â impossibil: la notizia no jê ufizial - si leve disint. Invez che, brut risultât, el jero vêt, e nol jere neje altri di la Sportivamentri in chês circo-stanzis, nò come duc, el cir di fevela di ale altri, a se il balon nol il lûr di mêm si penso 'o cument dopo, speranz che i frutaz 'e vevin lo fozze di cancella la magie. No cœ cussî?

Lis cronichis, e anche chei che son stâz a Cesene, nus an puartât - a chest

al â di confuart - che l'Udinese si â batude cun buine voluntât cuntri aver-saris desperâ che no an manciât di jesi anche scortiz e sustigâz in chest dal public che al â stât trist a rîmât de nêstis colôrs.

Il pont vignût fûr cuntri i blancs a nêr's el â stât segnâ su « rigôr », par un mêm, in arie di puarte. Gremis, al â scugnût - magari cussî no - las-sâ passâ la bale e cussî la squadre, che moralmentri 'e jero stude batude, 'o â vinzûz.

L'Udinese malamentri superade 'e varâ nê le possibilitât di rifâsi cuntri la Reg-gine, e no vivamentri 'o bromia che lu fusi in mût net.

Se i sportifs 'e an tignût a menz, qual che cont nê al merte di sei iustiz.

ANGELIN

Ai furlans pal mont

LENO J. FOSCHIA - Madison Ave. 158 - GREENSBURG (Pa. U.S.A.)

Mandi, Lino, e stami ben. O soj content che ti vebi plasût chest giornâlut « gagliardo » e pevarin che, cun scletezze e positivitat di argumenz, al ten ben alte la flame de Furlan tra di nò e i doi millions di furlans sparizzâz pal mont. Nò 'o si tignin in bon di vêt, parçè che la sô forme e la sô sostanza 'e son di prime quantât; e se anche la vieste 'e je « pœc sclagnute, nol impuarte: miôr puars e nez che no siors e spores. Busse i fruz e salude i barbis.

FREDO

VARISTO SCROSOP - Ford Motor Company of Canada Ltd (Office) - WINDSOR (Ont. Canada)

Ancje cull 'o vin vôt un juvâr dal mostro; ma cumò 'e sarâ pas-sade la buride e ti spietin pe viarte, dopo tant timp. Ti parârâ di strani

dal sigâr, tornâ in Friûl, anche parvie che un grum di cjosis in lis cjataras gambiadis. Duc' ben di salût. Ti saludin. Ariviodisi.

I TIEJ

SANDRO TRAGON - Rue Paul Bert 9 COLOMBES - Seine (France)

'O sin stâz 'e Dizion de « Pa-trie » e nus an dite che il sluej lôr lu mandin regulâr e no capissin parçè che no ti rive, dal moment che ur rive a duc' chei altris emigrâz in France. Toni al â vude l'infirmitate, ma cumò al â varit. Nuviâz nissune. Mandi.

To fradî

P. S. de l'Amministrazione. - 'O via stât a viodi in Puente; al pò jesi stât un scâlgio: 'o mandin anche i numers che i puarcia.

VITTORIO GASPARET
direttore responsabile

Stamparie « A. Mazzini » - Udin

del FALESCHINI specialit
MALATTIE DES FEMINIS
E DE PIEL


Contrade Brovedan 5 (tra Piazze
S. Jacom e Contrade Zanon)
10-12,30 - 16-18,30 UDIN

CJASE DI CURE
"ANALGO"
par artritichis e reumaticis

UDIN
Rive Barnalin n. 1 - Telef. 1143

MAXIMA

La rachete dai granc' zuiadors



dite DE PUPPI - Udin

Marciatvien 37 - Telefon 945

TINTORIE LAVADURE A SUT
COMINO - Udin

Lavandri: Contrade M. S. Michel 7 - tel. 16.52
Negoz: Rive Barnalin 7 - tel. 14.18

Qualunque lavôr di pulidure a sù e fature a piezzamente a vistiz
Si rimet in a gulf cjapiej di omp - Lavôr ben fat
Consegna in fôc timp.

Grant assortiment di cidulis in tun e in doi becons,
di fiâr e di ghise, par dutis lis industrie
Vendite al minût là de

FONDARIE di Ghise moleabil e azzâr

PLINIO CORBELIN

Udin - Contrade del Bon - Udin

"ITALGOMMA TORINO,"

lis miôrs gomis par bicicletis

A. Bagnoli

UDIN - Piazze Garibaldi - Tel. 989

Inz. A. MAGINI

Motôrs - Pompis - Trasformadôrs - Ventiladôrs
Grops Eletrogenos - Implanz Eletrics

Esclusive cun dipuesit pal Friûl de

S.A. MARELLI - MILAN

Fusine di riparazions par machinis eletrichis

RADIOMARELLI

Lavoratori par riparazions di precision

Udin - Contrade de Puente (Vittorio Veneto) 44 Telef. 6.83-6.94

TREVISAN

Machinis par scrivi e par calculâ
Accessoris - Riparazions

Contrade di S. Francesc d'Assisi 1a - Udin - tel. 6-04

Nuvizzis, mamis!

lis telis « MUL » us sparagnin la fatura di mendâ e par-zonte 'e son fatis di un bombâs special. No son grussis come lis telis di une volte, che a lavâ un lincâl di dos plazzis al jere un lavôr tan posant, ma 'e son lizerinis di lavâ seben che an una durade plui lungje; anche pes nu-vizzitis a fâ la lissie cu lis telis « MUL » al sarâ un gust.

'E son in vendite là dal

Magazin dal lavoradôr

Udin - Contrade P. Canzian 15 b - Udin

Provailis! Provailis!



EXCELSIOR
TENDERE

"MUL,"

MARCE
DIPUESITADE

ALIMENTARS

GUIDO BERTOLI

UDIN

Contrade de Puente 19

al Augure BUINE PASCHE a duc' i siei aventôrs